

repleri et administrari; mediae quoque ordinariae Tricesimae relaxationem, hactenus usitatam et in solutionem Militis Banalis proportionaliter redundantem; benigne continuari curabit.

*Eductio Militis Germani ex Arce Varasdiensi occasione dictae Commissionis Varasdiensis effectuetur.*

Articulus 74.

Ac ut tandem crebrae Regni Constitutiones et Articuli, de Educatione Militis Germani ex Arce Varasdiensi, loco videlicet Sedis Judiciariae ejusdemque Comitatus conditio, totque demissae Regnicolarum et Familiae Erdödianae supplicationes, suum finem et effectum sortiantur; dignum censent et supplicant suae Majestati Status et Ordines; ut medio suprafatorum Commissariorum Varasdinum deputatorum, sine ulteriori revisione et dilatione, iidem Articuli in effectum deducantur.

*Summae ad aedificationem Berkisevina ordinatae effectuatio ad Cameram Ungaricam delegatur.*

Articulus 75.

Articuli etiam; de Summa ad aedificationem Praesidii Berkisevina ordinata; renovantur: Quorum optata et finalis effectuatio (accedente etiam benigno suae Majestatis assensu) Camerae Ungaricae delegatur.

*De modo Rebelles Rusticos, ad Arces Sziszek et Novigrad spectantes; ad obedientiam et subjectionem compellendi.*

Articulus 76.

Periculoso exemplo factum esse et defacto vigere intellexerunt Regnicolae; Colonos et subditos, tam Venerabilis Capituli Ecclesiae Zagrabiensis, ad Arcem ejusdem Sziszeg, quam vero Domini Comitis Emerici Erdödy, Possavianos, ad Arcem ejusdem Novigrad, in Comitatu Zagrabiensi existentem habitam pertinentes, adversus suos Dominos Terrestres tumultuarie et manu armata insurrexissent; omnemque subjectionem et obedientiam ipsis debitam excussissent: Operas Colonicales et reditus omnes denegasse: Dominorumque suorum obsidiones, aliaque enormia scelera, in quasvis fideles personas perpetrasse: Eamque Rebellionem, etiamnum in suorum Dominorum Terrestrium damnum et Patriae illius perniciem continuare; nec ullis placidis mediis, hactenus sopiri potuisse:

§. 1. Quocirca ad praecavendas Rusticorum, contra Dominos suos Terrestres Insurrectiones, Statuitur; ut Dominus Comes Banus illius Regni et Confinitorum Sclavonicorum et Croaticorum Generales praetactos Rebelles, veluti manifestarum seditionum auctores, publicaeque Pacis ac Tranquillitatis Turbatores, statim post praesentem Diaetam, sine defectu et disputatione, auxilio Brachii Regalis coercere; praescriptamque rebellionem omnimode extinguere; omniaque